

增修定襄縣志叙

襄之有志也自

今上已卯無極安公始徵之矣先是

世廟末逸士劉紹先

益以所聞



之習剖為文明襄之山川神靈咸嘉  
賴之固一時甚盛舉也第簡襄弗清  
騰繕且惡而諸所記載亦多畧而弗  
賅存而弗核如晉太傅劉毅誤為襄  
人猶曰忻襄舊相屬也乃漢冠軍侯  
霍去病博陸侯霍光反遺而未錄山

川無恙亦率有存正心可知耳豈事  
難於創始作者不任誤遺而義無取  
于襲訛述者何妨洗刷矧待閱後十  
載之久中間新故  
乘沿革之殊勢質文之互變日  
月不同又非復疇曩之梗概矣嘗讀



為之卒業不覺有揮毫吊古之想爰  
自奉

璽書臨蒞以來日諮訪鄉紳故老間  
得於所聞輒記諸穎楮思一旦更而  
為之猶存乎見少也頃者再從玉帛  
之會而還計瓜期將及非稍一折衷

而更鐫之前念終成虛矣始聚二三  
文學共相揚扆裒輯而授余、復不  
厭紬繹為之去瑕葺敝加以新裁增  
所未有或謀於同或斷于獨筆削其  
文詞庾置其卷帙益以灾祥志備修  
禳者之采擇三閱月而告竣雖於舊



章多所決裂然釐正增損總歸於斥  
贗存真以無謬于是非之實而止則  
安公之意且得余始暢祀宋之歎可  
無作矣付之剞劂氏以俟將來斯亦  
一方文獻得失之林也乃余則充有  
深計焉今夫家督總一家則自內及

外垣屋菑畚以逮害廩孳畜亞旅奴  
僕之屬靡不時、料理息、救補稍  
未就緒汲、焉忘日夜廢寢食而圖  
之唯慮瘠耗偶偏失其故也所云不  
愧家兒者類若此况提有四封之內  
者乎又况瘠疲如襄而可不時為之



置念乎蓋嘗歷覽疆域周察風土而  
知其地非有沃衍之澤也其民非有  
蓋藏之富也其俗又非有敦龐不變  
之風也故得其治則歡欣鼓舞人有  
樂生之心不得其治而疾首蹙額轉  
徙立至矣守土者柰何不念及此也

念之此其時矣此建置田賦余毅然  
與之更始每篇之中三致意焉

皇天后土寔式臨之即起安公印可  
於一堂不知幾為躊躇幾為太息而  
余能一日忘襄民乎哉後之君子以  
愛一家之心愛此一方民要於厚下



無務必同期在彼國不嫌因應  
天子前席而問蒼生執此臚列陳之  
則豈惟襄之凋瘵庶幾有瘳將文治  
之隆永底無斁斯志之作又奚翅僅  
僅傳信已也余且藉手為襄人歌樂  
利於無窮耳

萬曆丙辰歲孟秋既望  
知定襄縣事豫章王立愛猷之父書  
于如水清署





定襄縣志目錄

凡例四條

圖五

第一卷地理志

沿革

星野

疆域

形勝

山川

都里

烽堠

水利

墳墓

古蹟

集場

風俗

第二卷建置志

定襄縣志

目錄

一

城池

縣治

學校

公署

枋檠

舖舍

橋梁

兵防

第三卷田賦志

戶口

地糧

徭役

里甲

郵傳

課鈔

匠役

屯田

物產

第四卷秩祀志

壇壝

寺觀

祠廟

第五卷官師志



守臣

知縣

縣丞

主簿

典史

教諭

訓導

巡檢

倉大使

訓術

訓科

僧會

道會

部使

名宦

第六卷人物志

薦辟

鄉舉

進士

鄉貢

應例

掾屬

武功

武舉人

武進士

世襲

封贈

恩廕

鄉賢

孝義

節烈

隱逸

流寓

僊釋

第七卷灾祥志

災異

祥瑞

第八卷藝文志

碑文

墓祭文

詩詞

目錄終

凡例

一舊志太畧且事未盡核今攷歷代正史大明一  
統志山西通志郡志各州縣志增定其有遺事



可稽及鄉紳父老所傳聞鑿、有據者亦并收  
 入存一方文獻也掛漏尚多以俟後之君子  
 一官師間有貶詞仍舊志之一二其不盡削者嫌  
 於專也續志不復置貶竊附于隱惡之意耳  
 一臺使監司無論久近必書名者經濟石畫令後  
 之人得有所攷也實竝傳不朽也  
 一藝文率多增入私以名篇麗句未可湮沒不傳  
 間有為其事而右付者又不在此例也

定襄縣誌

目錄

三

五臺界

東五臺界

東南五


北東

縣境總圖

大關

縣界

北



縣

南盂縣

漆郎洞

虎臥

山神

芳蘭鎮

百泉嶠

水

水

水

水



縣界

西北嶂

縣忻州界

都里之圖

定襄縣誌



西忻州界

國

城



西南忻州界

四




陽曲界



縣



北 邑厲壇



縣城之圖

東關

古城跡

小南關

定襄縣志

同



神湯都

北王都

迴鳳都

北關都

小城

西邢都

智村都


南關都

東霍都



關

園澤漏



古城跡

演武場

社稷壇

西關

大南關

風雲雷雨壇

定襄縣誌


關

六

縣治之圖



東戶



遠寧

宅

後

庫

正

儀

頭

晉古



縣學之圖

定襄縣志

南

七


井

柱

公廨



政贊



舍堂

堂

西房



兵刑工

獄

神獄



門



武庫



門



坊昌



正齋宅



啓聖祠




明倫



先師



廟



文



新齋



東廡

名宦祠





定襄縣知縣王立愛增修

舉人劉定宇

梁綵


鞏良定

薄匡宇

夏立極 全校

生員劉國治 喬遷樞

王舉 鄭燭全輯





定襄縣志卷之一

地理志

夫履方履者察地形不出戶而知天下其綜覽博也稗官小史耳剽目涉猶有風土之記方制之載親蒞茲土而弗能舉其籍胡以自鏡也余攷定襄於晉為邊土疆域至弱小也非有形勝之固可難棲季之犯然自晉趙以來號令凡九嬗遞因遞革遞守遞據焚然多變則簡子之故堞足睹記矣天

定襄縣志

卷之一

地理一

官所稽分野纏度且不能合况其它乎居今之世志古之道異同有間矣作地理志沿革

定襄古冀北之埜舜疆理天下分冀東恒山之地為并州則隸并禹貢復為冀州殷因之則隸冀周成王以封弟妣虞曰唐曰有晉水其子燮更號晉則隸晉戰國時趙襄子滅智伯分晉地三之一屬趙秦始皇併趙置太原郡屬太原漢為太原陽曲





縣地東漢末民為羗擾他徙其地遂空建安中曹  
操驅聚塞下流民以實地始置定襄縣屬新興郡  
魏晉因之惠帝時遷弘農人楊釗等三千戶於此  
改晉昌縣屬晉昌郡後魏改秀容縣屬肆州復為  
定襄與平寇蒲子三縣竝未有城北齊武成河清  
二年周將楊忠襲并州不克而還遂於古城北面  
築城置三縣其中移肆州于雁門隋初復立新興  
郡尋廢開皇十年西移平寇于代州之崞縣省定

襄復并秀容屬雲州十八年改秀容為忻州大業  
四年廢州存秀容屬樓煩郡唐初復新興郡領秀  
容武德元年李罷郡復忻州仍秀容二年為劉武周  
偽將楊長材所據四年大將李大恩討平封定襄  
王析秀容復置定襄天寶初改定襄郡宋元祐初  
復置定襄縣金仍定襄秀容屬定襄郡屬河東北  
路元仍定襄并秀容竝屬忻州太原

國朝并秀容於忻州仍定襄編戶二十里嘉靖十一



年併一十九里萬曆二十一年置中路寧武道遂為三關邊縣

按沿革第據史所載并輯忻志成文舊志漢有定襄太守唐有定襄道行軍總管定襄都督府司馬之類而漢未嘗置郡置府何以稱太守都督且雲州定襄大同志載應翔之地此何以說也忻志金復為定襄郡置刺史屬河東北路及閔官師率云知忻州又何也如一秀容耳或并定襄或并忻州竝難辨別則沿革安能盡合哉史闕文大都類此存而不論可矣

星野

太史公曰趙地昴畢分楚定襄屬趙地則分野當在

昴畢無疑其云一度僅管百里天道渺茫何從量度郡志謂太原正當參井縣舊志謂當東井二十八度之間又不知何所攷即日圍于天之下而未可辯也

疆域

定襄在府治東北一百八十里東界五臺縣邊家庄七十里西界忻州北霍村十五里南界陽曲縣岔口二十五里北界崞縣橫道鎮三十里東北驛路經



荆關至北京山 百里東南驛路經固關至北京一千三百四十里

形勝

叢蒙山峙其南卧虎山踞其北東枕牛臺西拱藍阜牧馬水前滌滹沱水後繞襟山帶河儼然四塞之國誠一方保障而三關鎖鑰也

山川

虎頭山 縣治西南三十五里以形名

定襄縣誌

卷之一

地理四

紅泉山 縣治西南三十里山洞石紅類硃砂泉源不絕故名 郗史賈統嘗讀書于此

叢蒙山 縣治南二十五里群峯聯絡至此端聳春夏雲氣合輒雨 有雨霽侯廟景標蒙山雨霽

詩見藝文

居士山 縣治東南二十五里山下泉流側畔石室有古碑剝落詳隱逸唐王維兄弟嘗讀書於此

萬曆三十四年建塔本山以巽峰宜文秀三十七年偶旱劉憚村人妄毀之可歎也

窰頭山 縣治東南二十五里穿窰取炭故名上有羊腸占

團城山 縣治東南二十五里趙盾避難遇晚令軍士包土築城止宿故名猶存遺跡

七巖山 縣治東南十八里以石洞凡七得名中洞窳奇為 慮應聖母祠相傳即為七巖不知此



特其一耳深可二十餘丈廣後三之一高可  
二丈餘形覆而四垂雖夏旱水滴如散珠不  
絕最後一井斗大滴水長注不盈頻取亦不  
涸旱禱輒應知縣王立愛題曰惠泉井之上  
一小巖更幽窈可愛洞隅而邃正對夕陽恍  
然異境又題曰惠泉第一洞天有聯云巖竅  
自天開影倒夕陽洞外嵐烟頻靄翠泉流從  
石出機涵太極箇中風雨驟興雲景標七巖  
晚照詩見藝文右一岩先是土辭忽現巨石  
狀如獅好事者因而肖之今題曰獅石巖側  
北一巖亦奇今題曰寶符巖取趙簡子藏符  
北嶽之義有聯云北嶽幻奇日映巖扉神發  
秘南天來爽風  
清花底路生香

八峰尖山

縣治東南三十里一山八峯

琵琶山

縣治東南十五里以形名

定襄縣誌

卷之一

地理五

紅沙山

縣治東南十五里山沙盡紅故名

武峪山

縣治東南十五里有藏孤臺見古蹟

熊兒水山

縣治東南三十里山故未有水一日熊入  
山中入往跡之水湧出遂名

暖窰山

縣治東南四十里以氣名士多結屋讀書于  
此

武子谷山

縣治東二十里峰巒高峻散客多游賞

五石峪山

縣治東二十里雲合致雨

十八盤山

縣治東三十里盤旋而上一十八轉也故  
名

神山

縣治東北十五里平地壘石突兀如盤似所遺  
而成元好問嘗讀書于此因辨遺山有一丘一



鑿真堪老且具神山煙景休之向上有佛寺莫考創始之年霜檐鐵壁迥絕塵俗景標神

山古刹詩見藝文

聖阜山

縣治東北二十里峻聳秀特舊有高樓可眺遠今廢下出溫泉有釣魚臺蓮花池五僊洞

仙人足石蓋勝境也水經云潯沱水東流聖人阜北指景標聖阜危樓詩見藝文

牛臺山

縣治東北三十里李子敬避居于此人號李牛臺

五公山

縣治東北四十里五僊煉丹於此故名

段木山

縣治東北四十里

青石山

縣治東北四十里

定襄縣誌

卷之一

地理六

紫石山

縣治東北三十五里

漆郎山

縣治北三十里即柏樹嶺山洞內刻漆郎像即豫讓漆身處也洞外石上有足跡馬蹄跡

鐵石山

縣治北三十里其石重黑能吹鉄

大小龍山

縣治北三十里

卧虎山

縣治北三十里

趙老懷山

縣治北三十里

橫山

縣治西北三十里衆山東西此獨南北故名

鳳凰山

縣治西北三十里



龍頭山 縣治西北三十五里

湫沱河水 發源繁峙縣東秦戲山一名孤山列如品字名三泉合玉斗泉北樓口華嚴嶺諸水

西流出繁峙縣北經代州崞縣至忻口東折入定襄橫北東流後遠縣治如帶每春時南岸堅冰先泮景標沱水冰消詩見藝文河水抵五臺入真定

見藝文

牧馬河水 發源忻州西南白馬山至牛尾莊合諸水出州南東流南環定襄如帶東北入湫沱

河水經云白馬之山牧水出焉即此

雲中水 由安義藍臺經西營羊房村東北入湫沱河俗呼天草河

三會泉 在叢蒙山麓一龍液泉一呂布池一娘娘池並出合流歷四時不涸浸灌數里平蕪一望

定襄縣誌

卷之一

地理七

綠野襄邑稻穀盡出于此與太原晉水相似特殺其分數為多耳景標三會清泉見藝文

溫泉 在聖阜山下有三穴長流唐龍翔中嘗賜錦幡幢蓋舊有李治碑記今廢

暖泉 在龍頭山麓夏涼冬暖

甘泉井 在小南門外相傳趙襄子時所鑿味極甘

惠民井 在西門外正德間知縣張榮穿至今民賴焉

都里 額編二十里後并一十九里在城為廂在鄉為都

在城領二廂三都

南關廂 西關 南關 董村 附郭水地少厥田上



北關廂 東關上 北關 庄頭村 附郭水地少厥田

待陽都 待陽村田上上 南邢村 李家庄 地多下濕厥

劉暉都 劉暉村山泉厥田上 南王村 寨頭村 地多陰南有

趙村都 趙村龍門村白鹿原舊建保流祠門刻畫龍更名

泉嶠地無水厥田中

### 城東五僊鄉領五都

王村都 小王村南西鄰村北西鄰村崔家庄

胡桃原都 胡禰原神山村史家岡蔣村戎家

定襄縣誌

卷之一

地理八

庄 牛家庄 南庄村 小營村 土頰村

河南坪水頭村水地少史家岡磽确厥

高蔣都 鎮安村東衛村西衛村衛青出定襄擊

牛臺都 牛臺村芳蘭村南作村水地多厥田

青石都 青石村山頭村馬家寨李家庄地

### 城南蒙山鄉舊領四都今并三都

西邢都 西邢村張村西河頭村西營村

里村澤里村北藍臺村水地少厥田



智村都智村智伯故里長安村張趙村南藍

襄子同宴藍臺有文臺武臺

東霍都中霍村胡村小霍村西霍村皆霍去病別業

田上

舊寇村都寇村嘉靖十一年并入東霍充下五甲共

城西北鴻鳳鄉領三都

迴鳳都迴鳳村南林木村北林木村此地後凋

景標林木秋光詩見藝文

定襄縣志

卷之一

地理九

神湯都南受羅村北受羅村向陽村于家庄

上厥田

北王都東作村西作村南庄村北庄村高

故名水地

城北青崇鄉領三都

辛安都辛安村無畏庄許村馬城村北作

季庄都季庄村此地先榮景標季庄春色詩見藝文

橫山都橫山村楊家岡馬家營地多井厥田



按邑之饒瘠係都里鄰里之饒瘠係土地土地肥沃則多產多產則人富而仁義附焉自無逋賦之虞其不然者則習俗無效尤者耳土地瘠薄則少產少產則民貧而勢無奈何自甘逋賦不顧其不然者則良善勉彊者耳定襄國初編戶二千三百里後并入寇村于東霍為十九里寇村雖疲未之盡無獲一入東霍堅逋不完官司第見東霍并鄰之額完已過半不知寇村十未完一二也是寇村借東霍以蔽逋而東霍之黠者又借寇村之逋為口實日相蒙于善逋中靡可得而辯也莫若論里東霍寇村合并為一論輸納東霍寇村仍分為兩饒瘠不溷催科自明至于各里土地之肥瘠耳目共睹事理易知地湧三泉東霍為家乃牛臺智村神湯北王高蔣待陽以次亞馬劉驥北關南關橫山又以次亞馬胡桃原王村趙村又以次亞馬青石西邢漸不及格辛安斯下矣季庄寇村迴鳳則瘠疲甚也故論額賦而賜恒若之歲迴鳳寇村季庄且難與十之六七即天災流行之歲東霍無憂少減十之一二它則未免出入于天時人事間而未可懸定者也至如南北關土地原非上而賦不少逋智村神湯諸里土地僅亞于東霍而積逋為多則民俗醜陋之分耳由此推而論之其大畧概可睹矣然亦就襄土論次之若與省南諸土地並較饒瘠又非其倫矣是為襄賦權衡也

烽堠

智村墩

東古城墩

小王村墩

西古城墩 俱西路

王進村墩 俱東路

蔣村墩



芳蘭鎮墩

青石墩 俱東北路

智村土堡

縣治西南十五里

張村土堡 縣治南十里

鐔村土堡

縣治南十里

待陽村土堡

縣治東南三十里

劉暉村山寨

縣治東南十里

南王村山寨

縣治東南十五里

東鄴村土堡

縣治東十里

鎮安村土寨

縣治東北十五里至元間恒山軍作亂元帥樊天勝築寨于此遷臺州之民以

避寇

神山村山寨

縣治東北十五里即在本山壘石盤峪實稱雄鎮

定襄縣志

卷之一

地理一

蕎麥寨

縣治東北二十里蔣村勢極峻聳與神山寨隔河相峙

砂村山寨

縣治東北二十里

芳蘭村土堡

縣治東北三十里

牛臺村土堡

縣治東北三十里

青石村土寨

縣治東北三十五里

橫山村磚堡

縣治北三十里

上湯頭村山寨

縣治西北三十里

向陽村土堡

縣治西北三十里

長安村土堡

縣治西十里

藍臺村土堡

縣治西十五里

水利

潭水渠

起湯頭村東遠橫山村經建安合河今廢元好問記見藝文



通利渠從縣北過砂村至芳蘭村深濶各一大初開於宋年久湮塞元至正五年復加開濬張惟

善記見藝文今廢

北受羅渠起忻州白村經上下湯頭北受羅于家庄至迴鳳西沙坡

馬房營渠起下湯頭入馬房營

南受羅渠起下湯頭入南受羅村

北庄渠起馬房營北經南受羅入北庄

南庄渠起馬房營南經南受羅北庄南庄各村竟抵西東佐兩村

黃嘴村渠起代郡經南庄黃嘴竟抵高村

定襄縣志

卷之一

地理二

林木村渠起高村西南經庄頭至林木村合泉水灌稻田

丘村渠起高村西南經庄頭校尉營入丘村灣

藍臺村渠起代郡經西營村入藍臺

南關渠起代郡北經西營西河頭各村入西關

西關渠起代郡南經羊房村入西關

北關南渠起羊房村西經古城傍入北關

北關北渠與南渠並列傍大河東行竟抵石牌灣

神山村渠起庄頭村經北關王進村師家灣入神山即通利渠之故源也



王進村渠

從縣北抵師家灣

晉府屯地多賴焉

崔家庄渠

起庄頭經北關入崔家庄於廢萬曆四十年知縣王立愛查復開濬有碑記

趙家營渠

起崔家庄北入本村

衛村南渠

起崔家庄經鎮安村南神山村北抵南作村合牧馬河

衛村北渠

與南渠並行從鎮安村中厯衛村抵管家營

許村渠

起鎮安村經嘴子馬城各村竟抵劉念村

南作村渠

起衛村西北經管家營入南作村萬曆四十二年知縣王立愛新開

以上引濬沱河水

牧水渠

至元辛未間開自智村南引水入古城由西灑村合河大明洪武二十七年忠義坊副使

高茂率巨族按跡再濬今廢

智村南渠

起忻州北霍村南入智村西

智村西渠

起本村西南入村東

智村新渠

起本村西南入村北萬曆四十一年知縣王立愛新開

西邢村渠

起智村東經西邢入張趙村

張村渠

起西邢村西經張村抵董村

以上引牧馬河水



鑿村渠 起呂布池合流北抵李家莊分四小渠

南邢村渠 起小霍池經南王南邢待陽各村至趙村合收河有碑記

中霍渠 起三會泉水引灌小霍渠起呂布池引入本村

以上引泉水

墳墓

周

趙襄子墓 在城東五里許周遭四十四畝三分六釐墓占一十一畝有奇水為學田萬曆三十九年開墓旁先後裂墜二孔內皆甃砌空濶如房軀形薄小其為古制無疑必當日從墜壙

定襄縣志

卷之一

地理四

穴耳四十三年知縣王立愛監墓碑祭告見藝文

漢

霍去病墓 西邢村西墓地無幾有斷墓碑碑文一千四十字銘一百七十六字中可句讀處起云

霍姬姓今河東定襄之族謂後世漢大將軍霍君去病冠軍平陽人子死國除博陸之冑

盡于孝義然冠軍殺出兵鴈門上郡朔方定襄豈其有、者存又云將軍同知八當順

元軍民宣撫司事霍君子萬出定襄善騎射當至元壬午、元首阿察反殺、四川湖廣

雲南三省臣合擊省署君攝千夫長從攻會靈關破之又云制授武畧將軍順元軍民宣

撫副使久之進同知軍民宣撫司事守武節金符又云積勤四十年按幾創始克少有



見爵眎、諸侯子男秩卑弗獲為太史不  
樹碑先塋又云嗣人後即無庸為稽以紹  
緒厥猷、王父諱、、整不仕又云定襄今  
忻州所屬邑其族、、數百人以東西小霍  
自別又云五里名曰西興里為塋冠軍則世  
有廟祀蒙、、銘曰風霆伏藏日星煜煌二  
儀清寧維、之祥熊砲螭張斷齒奮攫宛而  
龍馴維將之良桓、嫖姚盪馳窮荒輪臺之  
張慙德武皇維武節君際時興王、樹奇  
霖霖道光從戎西南反側是成匪贖武為極  
其愚狂兵則、、義孰其方彼強力持我仁  
德將夫惟將之、、所剗、夷其塗亦剗其  
棘既棘而夷我獲我域夷奠厥居皇善厥德  
卉裳冠文歲事納錫肆庸偏裨益贊其職、  
、歸耒顛毛雪霜飾其孝思有事定襄載藜  
嗟哉鏡刊題名、千斯世先塋之光延祐已

定襄縣志

卷之一

地理一五

未前翰林國史編脩官李洞譔碑內切要及  
所叙添派名字殘毀殆盡必奸人私其墓旁  
餘地所為恨尋獲之晚未及追窮其故耳繹  
思碑義大都去病後代子孫武節君功成之  
後刻石于祖塋一以彰先人之舊一以昭繼  
述之光前豈其有、者存後其族、、數  
百人各鑿毀二字意必為子孫字也博陸侯  
霍光乃去病異母弟觀博陸之冑盡于孝義  
則定襄之霍為去病子孫可知也叢蒙山一  
名蒙尖舊有兩霽侯廟相傳為去病碑云世  
有廟祀蒙下毀二字必為尖山無疑其  
曰西興里為塋豈古西興即今西邢耶

元魏

爾朱塋墓 林木村



唐

玄 奘墓 龍門村即白鹿原俗呼和尚園詳僊釋

宋

呼延贊墓 橫山村鎮國寺後舊有碑文今廢

金

孫九鼎墓 青石村九疇九周 鼎墓 南王村元好問撰墓表見藝文

周獻臣墓 附塋鼎側王利撰表見藝文 薄松年墓 芳蘭村郭郭撰墓表

元

定襄縣志

卷之二

地理尺十五

甄 有墓 東王村秀附塋 張安寧墓 南邢村元好問撰墓表

喬信武墓 辛安村 樊天勝墓 砂村天用附塋

姚 榮墓 東古城外廷玉附塋 李子敬墓 中霍村

國朝

部 瑄墓 季庄村 賈 統墓 寇村

李 奎墓 張村 雷 澤墓 張村工部侍郎張順撰墓表

吳 昂墓 南古城內 禮部侍郎于鳳喈撰墓表

樊 濬墓 南古城內



邢 洪墓 胡村

喬 震墓 東古城外薊州知州王璉撰墓誌通政党承志撰墓表茂亨附塋編修亢思謙撰墓

誌樊啟東撰墓表

薄 徽墓 芳蘭村喬光大撰墓表

張 偉墓 南邢村大學士徐階撰墓表見藝文

薄 鸞墓 芳蘭村世佑附塋布政使王道行撰墓表

喬光大墓 牛臺山大僕寺少卿王治撰墓誌臨洮知府唐頤撰墓表見藝文

張九戩墓 南邢村王治撰墓表

定襄縣誌

卷之一

地理十六

樊啓東墓 南古城內王治撰墓表

傅納誨墓 南古城內

劉一貫墓 南邢村

鄭東暘墓 龍門村北刑科給事中萬自約撰墓表維周附塋

鄭友周墓 龍門村南

傅應期墓 東南古城內諭德周如砥撰墓志見藝文陶望齡撰墓表

傅新德墓 高長村吏部郎中清源王宗賢撰墓志大學士吳道南撰墓表見藝文

漏澤園 舊在西城外二里許以鹹鹵不堪瘞骨廢棄萬曆四十四年知縣王立愛改城北舊社稷



壇為之生員李遇春以近宅不便出城東北  
鹽房頭地六畝一分六釐易之鹽有碑壇地  
盡准遇春畊為世業舊漏澤園地七十三畝  
三分一釐見三園記久為民間侵占今以陰  
慶年開少弓清量得六十畝五分六釐除墾  
占二畝八分外摘一十畝八分一釐與生員  
喬遷樞一十二畝與生員傳新國一十二畝  
與生員鄭弘胤兌城西各地改建社壇一  
十三畝充潤國濟民侯尹鐸廟常住地改給  
僧如清耕種免其徵租餘致畝八分九釐做  
舊時行義倉例給民耕種每畝歲  
徵租穀三斗五升併周濟之需

### 古蹟

### 古城

魏土風記云夏后氏築或曰趙襄子又曰石勒  
起兵而築相傳通忻州劉家溝崖岸賈洞

定襄縣志

卷之一

地理十七

### 呂布池

在中霍村東布捉龍馬于此故名

### 開門峪

縣治東南十五里一山中分相對如門或曰  
趙盾避下宮之難所開攷韓非子曰智伯將

伐仇猶而道難不通迺鑄大鏡遺仇猶之君  
除道將內之赤章曼枝諫不聽遂內之赤章

曼枝因斲轂而驅至於齊七月而仇猶亡  
按仇猶即今孟縣故城又為白開

### 龍血石

在開門峪內趙盾避難出此見前途有龍持  
弓射之血染于石至今石紅如血

### 豫讓橋

在南邢村南事見流寓橋頭古有廟碑今廢

### 藏孤臺

在武峪山程嬰藏趙氏孤兒于九原程侯山  
諸將索急嬰與公孫杵臼謀取他人嬰兒偽  
匿程侯出趙氏孤遠匿于武峪後人跡為藏  
孤臺舊有保胤祠唐釋玄奘刻詳僊釋



劉僊洞 縣治東南三十里 詳仙釋

釣魚臺 在聖阜山下 李子敬釣隱處

仙人足石 在聖阜祠內 石顯一足痕 萬曆三十八年 正月寒冽 有數童子 偶到山下 見一老人

水內澡浴 出水自曰冷 入水自曰熱 浴罷抵 祠內轉翻 仙人足石 向下而去 聞于鄉中 聚

觀者數十人 并力翻石 乃轉

龍母洞 縣治東北三十里 一山石洞口 徑僅三尺 鞠身燃燈 而入行 數步更窄 小匍匐 三四十步

始厥豁有龍母像 石臺石燈 幽寂冷：前行 又一石口深邃 莫測 但聞水聲 風來燈滅 鄉

人祈雨 持磁餅 挿香其中 置石臺上 以得水 漬香為響 應萬曆四十三季 大旱 知縣王立

定襄縣志

卷之一

地理一

愛步禱于此 使人如俗入祈 俄而餅中生水 浸香二寸許 捧還是日 果得大雨 三日方止

乃新祠于洞口 扁曰龍母僊胎

石佛洞 縣治東北三十五里 山開一石洞 石佛一堂 天造不由人工

集場

在城逢單日

芳蘭鎮 逢四八日

中霍村 逢二六九日

橫山村 逢四八日

青石村 廢

神山村 廢

南受羅村 逢二六日 萬曆三十六年 知縣魏從周立 有碑記



風俗

舊志云地狹民貧士多庶耻之守里鮮經營之業  
勤稼穡急賦稅服用儉素閭閻謹嚴惟疾病信巫  
喪祭用釋婚媾競財猶當約之以正也郡志云務  
詩書多稼穡有儉素風此其槩矣邇來人心漸趨  
於狃習尚日入于偷鷙悍輕生動以縊毒相圖賴  
睚眦必報甘以訐告作生涯奸人魚肉善良頑民  
慣逋賦稅挾制之風未熄賭博之習難瘳紡織教  
而弗趨奢華與習漸長江河轉下砥柱安施所幸  
文風寢盛質朴未亡冠紳恬雅有餘愚氓鼓腹無  
事猶有陶唐之遺焉

按織紡不獨禦寒出以貿遷錢糧可藉以完納  
為厚風俗之一端萬曆四十一年知縣王立愛捐  
錢金置器具募太谷男婦數名口月給工食編教  
習織議乞餘穀銀三十兩充縣本本府司知邵公  
位發銀十兩佐之業費官錢不下三十餘金能者  
僅百十家可嘆也餘穀銀原議止費盡十兩餘二  
十兩俟完日方糴穀入倉俸賑此時尚有縣本  
可學作法于勤不無望于鄉士夫之倡之者